

## REGLUGERÐ

### um veiðar krókabáta fiskveiðiárið 1998/1999.

#### Leyfilegur heildarafi.

##### 1. gr.

Veiðiheimildir krókabáta á fiskveiðiárinu 1998/1999 skulu við það miðast að þorskaflí þeirra fari ekki yfir 34.375 lestir, miðað við óslægðan fisk, sbr. þó 3. gr.

#### Þorskaflahámark.

##### 2. gr.

Þorskaflahámark báts sem stundar veiðar með þorskaflahámarki skal nema sama hlutfalli af 34.375 lestum, sbr. 1. gr. og nam hlutdeild hans í 21.000 lestum, miðað við reiknað þorskaflahámark skv. 2. gr. laga nr. 83/1995, að teknu tilliti til framsals á þorskaflahámarki, úthlutunar þorskaflahámars skv. ákvæði II til bráðabirgða við lög nr. 144/1997 og flutnings á þorskaflahámarki milli ára.

##### 3. gr.

Heimilt er að flytja allt að 20% af þorskaflahámarki krókabáts frá einu fiskveiðiári yfir á það næsta.

Heimilt er að framselja varanlegt þorskaflahámark til annars krókabáts eða báta sem stunda veiðar með þorskaflahámarki. Innan hvers fiskveiðiárs er heimilt að flytja allt að 30% af úthlutuðu þorskaflahámarki krókabáts til annars krókabáts eða báta sem stunda veiðar með þorskaflahámarki. Ákvæði 2. mgr. 9. gr. reglugerðar um veiðar í atvinnuskyni fiskveiðiárið 1998/1999, eiga við um flutning þorskaflahámars eftir því sem við á.

Heimilt er að veita báti sem stundað hefur veiðar með tilteknum fjölda sóknardaga síðastliðin tvö fiskveiðiár, leyfi til að stunda veiðar með þorskaflahámarki þess í stað, en reiknað þorskaflahámark bátsins verður þó áfram hluti sameiginlegs hámarksafli skv. 4. og 5. gr.

#### Sóknardagar, handfæraveiðar.

##### 4. gr.

Sameiginlegur hámarksafli þeirra báta, sem stundað hafa veiðar með tilteknum fjölda sóknardaga með handfærum, skal vera 2.326.500 kg á fiskveiðiárinu 1998/1999.

#### Sóknardagar, línu- og handfæraveiðar.

##### 5. gr.

Sameiginlegur hámarksafli þeirra báta, sem stundað hafa veiðar með tilteknum fjölda sóknardaga með línu og handfærum, skal vera 444.812 kg á fiskveiðiárinu 1998/1999.

##### 6. gr.

Þegar bátur stundar veiðar með línu skv. 5. gr. skal margfalda fjölda nýtttra daga með tölunni 1,9 á tímabilinu 1. maí -1. september, en með tölunni 1,35 á öðrum tímum. Sé einn maður í áhöfn krókabáts er óheimilt að róa með og eiga í sjó fleiri en 12 bala alls af línu fyrir hvern sóknardag en 20 bala séu tveir eða fleiri í áhöfn, miðað við allt að 500 króka á línu í hverjum bala.

Sé lína um borð í báti í róðri skal bátur tilkynntur við línuveiðar sbr. reglur 1. mgr. Tilkynningar skal senda í gegnum Símakrök, sbr. 8. gr.

**Sóknardagar.**

## 7. gr.

Fjöldi sóknardaga á fiskveiðiárinu 1998/1999 er ákveðinn fyrir hvorn sóknarhóp fyrir sig skv. 4. og 5. gr. Skal það gert með því að reikna meðalafla á hvern leyfðan sóknardag næstliðins fiskveiðiárs og deila þeirri tölu í sameiginlegan hámarksafla hvors sóknarhóps á fiskveiðiárinu. Afli báta sem veiða skv. 4. gr. hefur ekki áhrif á útreikning á dagafjölda báta sem veiða skv. 5. gr. og öfugt. Sóknardögum skal fækka eða fjölga um heila daga og broti sleppt.

Fjöldi sóknardaga á fiskveiðiárinu 1998/1999 skal auglýstur sérstaklega innan 10 daga frá upphafi fiskveiðiársins. Skipstjóri skal fylgja ákvæðum 8. gr. um tilkynningar og teljast þeir dagar sem róð er, áður en auglýsing um fjölda sóknardaga er birt, til nýtttra sóknardaga á fiskveiðiárinu 1998/1999.

## 8. gr.

Sóknardagur telst vera allt að 24 klst. frá upphafi veiðiferðar. Sóknardegi er lokið þegar bátur landar afla.

Skipstjóri skal tilkynna Fiskistofu um upphaf veiðiferðar og hvort bátur er veiðar stundar skv. 5. gr. verður við línuveiðar, áður en lagt er úr höfn. Telst veiðiferð hafin þegar tilkynning berst. Skipstjóri skal einnig tilkynna Fiskistofu þegar afla er landað hverju sinni. Tilkynningar skal senda í gegnum Símakrök, sjálfvirkan þjónustusíma Fiskistofu.

Heimilt er að afturkalla tilkynningu um sóknardag, enda sé það gert innan þriggja klukkustunda eftir að tilkynning um nýtingu sóknardags, sbr. 1. mgr., var send Fiskistofu, að öðrum kosti telst sóknardagur nýttur. Ekki er heimilt að afturkalla tilkynningu um sóknardag nema bátur sé í höfn þegar afturköllun er send Fiskistofu og aldrei er heimilt að afturkalla tilkynningu um sóknardag hafi veiðarfæri verið sett í sjó.

Valdi vélarbilun því að skipstjóri sem afturkalla vill tilkynningu um nýtingu sóknardags komist ekki til hafnar innan þriggja klukkustunda en öðrum skilyrðum 3. mgr. er fullnægt, getur Fiskistofa engu að síður fellt niður sóknardag sé þess skriflega farið á leit innan 7 daga, enda fylgi fullnægjandi upplýsingar um bilunina.

**Aðrar veiðar krókabáta.**

## 9. gr.

Utan sóknardaga sbr. 7. gr. eru þeim bátum sem stunda veiðar skv. 4. og 5. gr. bannaðar allar veiðar á nytjastofnum. Þá eru krókabátum sem náð hafa þorskaflahámarki sínu óheimilar allar veiðar á nytjastofnum.

Þrátt fyrir ákvæði 1. mgr. getur ráðherra veitt undanþágu frá banni þessu með sérstökum leyfum til veiða á botndýrum með plógum og gildrum svo og til hrognkelsaveiða í net og til veiða á háffiskum með sérhæfðri línu.

Aukaafli af þorski sem fæst við veiðar samkvæmt 2. mgr. reiknast til þorskaflahámarks.

Fái bátur, sem stundar veiðar með tilteknum fjölda sóknardaga, leyfi samkvæmt 2. mgr. er honum óheimilt að nýta sóknardaga þann tíma, sem leyfið gildir. Velji eigandi þann kost að nýta ekki allan gildistíma leyfisins, skal hann tilkynna til Fiskistofu hvenær hann hættir að nýta leyfið og er honum eftir það heimilt að nýta sóknardaga bátsins.

Landi krókabátur, skv. 4. mgr., á þeim tíma sem hann stundar veiðar samkvæmt sérstöku leyfi, sbr. 2. mgr., aukaafli af þorski, getur Fiskistofa áætlað á bátinn sóknardaga í samræmi við afla hans.

Nýti bátur leyfi, samkvæmt 2. mgr., til þess að veiða aðrar tegundir en leyfið miðast við, varðar það leyfissviptingu og viðurlögum, sbr. 12. gr.

**Stöðvun veiða.**

10. gr.

Óheimilt er bátum sem krókaleyfi hafa með sóknardögum að vera á sjó með veiðarfæri utan sóknardaga.

Þrátt fyrir ákvæði 1. mgr. er heimilt að flytja báta milli hafna með veiðarfæri um borð, enda sé slíkur flutningur fyrir fram tilkynntur Fiskistofu. Fari bátur á sjó án veiðarfæra á því tímabili sem um ræðir í 1. mgr. skal eigandi hans tilkynna það fyrir fram til Fiskistofu. Tilkynningar skal senda í gegnum Símakrök, sjálfvirkan þjónustusíma Fiskistofu.

**Endurnýjun krókabáta.**

11. gr.

Um endurnýjun krókabáta gilda ákvæði reglugerðar, um veiðar í atvinnuskyni fiskveiðiárið 1998/1999, eftir því sem við á. Þó er aðeins heimilt að flytja krókaleyfi til báts sem er helmingi minni að rúmtölu en sá bátur er veiðileyfi lætur. Hafi bátur verið dæmdur óbætandi vegna sjóttjóns má, þrátt fyrir 2. málsl. þessarar málsgreinar, flytja veiðileyfi þess báts til annars jafnstörs báts, miðað við rúmtölu, enda hafi tilkynning um sjóttjónið verið send hlutaðeigandi aðilum, þar á meðal Fiskistofu, ásamt þeim gögnum sem óskað er eftir, fyrir liggja yfirlýsing frá tryggingafélagi viðkomandi báts um að til greiðslu fullra bóta vegna sjóttjónsins hafi komið og að báturinn hafi verið tekinn af skipaskrá hjá Siglingastofnun Íslands.

Heimilt er að flytja krókaleyfi tveggja eða fleiri báta sem stundað hafa veiðar með þorskaflahámarki til eins báts, sem þá fær krókaleyfi með samanlögðu þorskaflahámarki bátanna.

Heimilt er að flytja krókaleyfi tveggja eða fleiri báta sem stundað hafa veiðar með tilteknum fjölda sóknardaga til eins báts sem þá hlýtur sams konar krókaleyfi. Séu þeir bátar sem leyfi láta hvor í sínum sóknarhópi skv. 4. og 5. gr. skal nýi eigandinn velja í hvorum hópnum báturinn lendir, og er heimilt að nýta sóknardaga þess báts sem flesta sóknardaga á ónýtta.

Sé krókaleyfi báts eða báta sem stundað hafa veiðar með tilteknum fjölda sóknardaga og báts eða báta sem stundað hafa veiðar með þorskaflahámarki flutt til eins báts, skal bátnum úthlutað krókaleyfi með samanlögðu þorskaflahámarki þess báts eða þeirra báta sem leyfi höfðu til veiða með þorskaflahámarki.

Aldrei er heimilt að flytja krókaleyfi til báts sem er 6 brúttótonn eða stærri.

Óheimilt er að gera breytingar á báti sem stundar veiðar með þorskaflahámarki, þannig að rúmtala hans aukist, nema flutt sé veiðileyfi af öðrum krókabáti sem er helmingi stærri að rúmtölu en sem stækkuninni nemur. Óheimilt er að gera breytingar á báti sem stundar veiðar með tilteknum fjölda sóknardaga, þannig að rúmtala hans aukist, nema flutt sé veiðileyfi af öðrum báti sem stundað hafa veiðar með tilteknum fjölda sóknardaga og er helmingi stærri að rúmtölu en sem stækkuninni nemur. Krókabáti má aldrei breyta þannig að hann verði 6 brúttótonn eða stærri.

Tilkynna skal Fiskistofu um fyrirhugaðan flutning veiðileyfis og breytingar á bátum samkvæmt þessari grein.

**Ýmis ákvæði.**

12. gr.

Brot á reglugerð þessari varða viðurlögum samkvæmt ákvæðum IV. kafla laga nr. 38, 15. maí 1990, um stjórn fiskveiða með síðari breytingum, og lögum nr. 57, 3. júní 1996, um umgengni um nytjastofna sjávar. Með mál út af brotum skal farið að hætti opinberra mála. Um gjald vegna ólögmeðs sjávaraflla fer samkvæmt ákvæðum laga nr. 37, 27. maí 1992.

## 13. gr.

Reglugerð þessi sem sett er samkvæmt ákvæðum laga nr. 38, 15. maí 1990, um stjórn fiskveiða með síðari breytingum öðlast þegar gildi.

*Sjávarútvegsráðuneytinu, 16. júlí 1998.*

**Þorsteinn Pálsson.**

*Jón B. Jónasson.*

**REGLUGERÐ****um greiðslu Suðurlandsskóga af kostnaði við skógrækt og skjólbeltarækt á lögbýlum.**

## 1. gr.

*Fjölnytjaskógrækt.*

Hlutfallsleg greiðsla Suðurlandsskóga af samþykktum kostnaði við fjölnytjaskógrækt á lögbýlum er 97 af hundraði.

## 2. gr.

*Skjólbeltarækt.*

Suðurlandsskógar greiða að fullu samþykktan kostnað vegna skjólbeltaræktunar af eftirtöldum þáttum:

1. Kaup á plöntum og stiklingum.
2. Kaup á plastdúkum og vélarvinna við lagningu þeirra.
3. Umsjón og verkstjórn við framkvæmd.
4. Illgresiseyðing með lyfjum í allt að 5 ár frá því að gróðursetningu lýkur.  
Annar kostnaður af skjólbeltaræktun greiðist að fullu af forsvarsmanni lögbýlis.

## 3. gr.

*Gildistaka.*

Reglugerð þessi, sem sett er með heimild í 4. gr. laga nr. 97/1997 um Suðurlandsskóga, öðlast gildi við birtingu, sbr. 7. gr. laga nr. 64/1943 um birtingu laga og stjórnvaldserinda.

*Landbúnaðarráðuneytinu, 21. júlí 1998.*

F. h. r.

**Guðmundur Sigþórsson.**

*Hjördís Halldórsdóttir.*